



امور داخلیه

اون التبی واللی برنجی دفعه رقیه طبع اولنان نسخ تقویم وقایعده مفصلا
بیان اولدیغی اوزره اشبور رمضان شریفده دخی ینه بر معتاد چراغان
ساحلسرای همایوننده حضور قاض انور حضرت شاهانده سر حلقه تقریر
اولان سکر عدد سرای همایون خواجهرلی افندیلرایله معیتلنده بولنان
مدرسین صدق آیین افندیلدر سرای اولان آیت کریمه بی تفسیر و اوزرینه
ترتیبیدن اسوله واجوبه لرین بالتحقیق تقریر ایلیوب صره سیله سکر مجلس
قرین حسن ختام اولمش ومرحمت و شفقتی کافه انامه مسذول اولان
پادشاهن و ولی نعمتنز افندیلدر حضرتلری موی الیهک معتاد اولان
عظیله رینه ضم و علاوه بیورملریله جمله سنی برقات دخی مظهر عنایت
بیور مشلردر

دأب مستحسن دولت علیه اوزره اشبو شهر شریف رمضان مغفرت نشانک
اون بشنی کونی حضوری معتاد اولان ذوات ایاصوفیه جامع شریفده
صلاة ظهری ادا ایلدکن صکره خرقة شریفه زیارتیچون سرای معلا
همایوننده کائن مقام مخصوصنه رومال وسایه فیضویه پادشاهیده اول درالفرید
صدق تبرک و اقتضاری باب ادب تعقیل و تخییل برله هر بری مسرور البال
واشبو صفای درون وفرح افزونله اول مجلس انسا انس فیوضات مخلصده
صاحب الزدا علیه اکل الصلوات والتحایا افندیلدر حضرتلرینه کمال تعظیم
اوزره مقام ارای قیام اولان پادشاه دین اسلام ادام الله تعالی الی اخر الایام
حضرتلرینک امتداد ایام عمر وسلطنتلرینه ایاصوفیه واعظی شیخ الحاج
یوسف افندیلر ترتیل ایلدیکی دعاء بالخیرینه آمین خوان اوله رق جمله سی
مظهر ثواب جزیل اولمشلردر

پادشاه مقیم السنة والفرض شوکتلو کرامتلو کافه انامه ولی نعمت و باعث
امنیت امت افندیلدر حضرتلری کین شعبان المعظمک یکرمی طقوزنجی روز
مسعدت بروز جمعهده معتاد اولان الای والايله در سعادتقرده واقع سلطان
بایزید ولی خان جامع شریفنه توجیه سمد اقبال وصلوة جمعی ادادنصکره
هسا کر منصوره محمدیه قوللرینک قراول نظاملری وقراول مأمورلری وصف
بسته موقف سلام اولان طابورلرک البسه واسلحه لرینک تمیز و نظامملوخی
و طورشلری و تفنک طوتشلری و سلام طورمق حرکتی اجراری شایان پسند
وتحسین همایون بیورلمعله مجرد بنده قدیملری سر عسکر محمد خسرو پاشا
حضرتلرینی و با هموم عسا کر منصوره محمدیه قوللرینی تلطیف اراده خیریه
شاهانه لر یله جمعه الایله باب سر عسکری بی تشریف والای طاقنه رخصت ایله
ذات عنایت سمات همایونلری اخشامه قریب مدته قدر آرام برله بعده چراغان
ساحلسرای معلا رینه سوق زورق اجلال بیور مشلردر

وینه شه نشاه مکارم اکتناه افندیلدر حضرتلری اون التبی تقویم وقایعده
زیور صحیفه سطور اولدیغی شلاواشوشهر مبارک رمضان باهر الفیضانک
اون برنجی عدالی کیمه سی مخلوق اولدقلری شیمه بنده پوری اقتضاسی اوزره باب
سر عسکری بی وان اوچنجی پنجشنبه کیجه سی قبودان دریا طاهر پاشا
حضرتلرینک خواجه پاشاده واقع قوناغنی واون دردیجی جمعه کونی نور عثمانی
جامع فیض لامعنده جمعه نمازینی بعد الادا عسا کر منصوره محمدیه لر قوللری

حقتده دائمی الظهور اولان انواع عنایات و تلطیفات سابقه ملوکانه لرینه
تعطیفات لاحقه عسکر برورانه پادشاهانه اولق اوزره ینه الای ایله باب
سر عسکری به شرف اندازا جلال بیوروباندن الای طاقنه اذن واخشام اوزری
مشیرطو پنخانه خلیل پاشا حضرتلرینک فندقلیده کائن سر عسکر مشارالیه
حضرتلری یالپسندده آماده ایلدیکی افطاره تشریف و انده قاتمقام سابق
خلوصی احمد پاشا حضرتلرینک دخی بولنملرینی امر وفرمان ایله مشارالیه بی
تلطیف و اون یدنجی بازار برتسی کیجه سی باب عالی بی و یکرمی برنجی جمعه
کونی ایاصوفیه جامع انوار امر ابغنده جمعی بعد الادا باب فتواینه بی قدوم
برکتلر و شاهانه لر یله پرتو پذیرانوار و مشارالیه حضرتلرینک سایه پادشاهانه لرنده
کقیم الباغ قدیمده لصاحبه * برسم خدمته من باغه التحفا * یعنی * کاه
اولورکیم مالک باغه عنب التحاف ایدر رسم خدمتده بولنق مقصدیله باغبان
بولندن ترتیب ایلدکلری جشن عالیدن تناول افطار و هر برلرینی انواع نوازش
شاهانه لر یله وایه دار فخر و مسار بیور مشلردر

ذکر اولنان افطارلرده مشارالیه سر عسکر پاشا و قبودان پاشا و مشیرطو پنخانه
حضراتی بولنمش وصلوة تراویحی موالی فخرامدن امام ثانی جهانبانی مصطفی
نوری افندی قلدرمش ویاب عالیده اولان افطارده کتخدایک وریس افندی
حضراتی رخصت عنایت غایت همایون موجبجه حضور فیض نشور حضرت
ظل الهی به دخول ایله مبارک و مسعود خاک پای کیماسای جناب جهانداری به رومال
اولق شرف جهانبانه و باب فتواینه و صدر عظام روم ایلیدن خلیل
حمید پاشا زاده عارف یک افندی وریس اطبا بجهت افندی و امام اول
شهریاری زین العابدین افندی حضرتایله استانبول پایه لولرندن برادر ریس
اطبا عبدالحق افندی دخی باراده همایون بولنق شرفنه نیل ایله مظهر
الطاف شهریار نجسته آثار اولمشلردر همان ربم تعالی و تقدس حضرتلری
ماه صیام فیض ارتساک امانل کثیره سیله شه نشاه جهان افندی می
با انواع فوز و اقبال شرفیاب ایلیه آمین

نظام مستحسن رسم معایده

باب عالی و باب فتواینه اولان معایده رسملری عید شریف مسرتدیف
دخولندن اول اجرا اولنه کلمش ایسهده رسم مذکورک عید شریفدن اول
وعلی الخصوص ولی نعمت بیمنتز ولی نعمت عالم شه نشاه منصور العلم
شوکتساب قدر تنصاب افندیلدر حضرتلرینک معایده همایون شاهانه لر ی
رسم و ایلیدن مقدم اجرایی یا قبشقسز شی اولمعله بعد ازین بو اسلوب
ناعر غوب کلیا ترک اولنه رق معایده همایون فیض مقرون شاهانه رسمی کماکان
سرای والای ملوکانه ده اجرا بیورلدقدنصکره باب عالی و بعده باب فتواینه بی
معایده لر ی زیزده تحریر اولدیغی وجهله اجرا اولنسی خصوصی موافق
امر و اراده اصا بتعاده شه نشاه بیورلمعله اولوجهله اقتضاسی اجرا
قلنه جنی

ان شاء الله الرحمن عید شریف مسرتدیف کونی معایده همایون شاهانه
رسم عالیسی اجرا سندنصکره سماحتلو شیخ الاسلام افندی حضرتلری
کافی السابق سرای همایون شاهانه دن خودتله باب فتواینه بی به عزیمت بیوروب
و صدور عظام حضرتایله بالجمله موالی فخرام و مدرسین سکر ام افندیلدر دخی
اجرای رسوم معایده شه نشاه ایلدنصکره بر اویریند عینت ایلملری

